



## SAKSFRAMLEGG

|                                       |                          |
|---------------------------------------|--------------------------|
| <b>Sakshandsamar:</b> Marianne Soleng | <b>Arkivkode:</b> FE-033 |
| <b>Arkivsaksnr:</b> 23/837            | <b>Løpenr:</b> 23/10194  |
| <b>Sakstype:</b> Politisk sak         |                          |

### SAKSGANG

| Styre, utval, komité m.m. | Møtedato   | Saksnr   |
|---------------------------|------------|----------|
| Kommunestyret             | 19.10.2023 | 083/2023 |

### Faste saker

#### 19.10.2023 Kommunestyret:

Handsaming i møtet:

#### Eventuelle merknader til protokoll frå førre møte:

Ingen merknader.

#### Ordføraren orienterer:

- **Bestilling av sak om eventuell deltaking i kampanjen "Eit meir demensvennleg samfunn".** Ordførar Knut Harald Frøland (BI) foreslo at sak om dette skal leggjast fram i kommunestyret 07.12.2023. Kommunestyret slutta seg til forslaget.
- **Ettergodtgjersle for ordførar.** Ordførar Knut Harald Frøland (BI) orienterte om reglane for ettergodtgjersle til ordførar i Samnanger kommune si forskrift. Det står der at ettergodtgjersle skal avkortast krone for krone mot anna inntekt. Knut Harald Frøland viste til at ordføraren ikkje opptenar feriepengar, og bad om at kommunestyret løyver 1,5 månad ettergodtgjersle til avtroppande ordførar. Han viste i samband med dette òg til at førre ordførar fekk 1,5 månader ettergodtgjersle då ho gjekk av i 2015. Øyvind Strømmen (MDG) bad om at saka vart teken inn på saklista for møtet. Kommunestyret slutta seg samrøystes til forslaget til Øyvind Strømmen. Saka vart som følgje av dette sett inn på saklista, og vart handsama etter dei andre sakene på saklista.

#### Rådmannen orienterer:

Orientering ved rådmann Ove Sæbø:

- **Status for oppfølging av politiske saker.** Rådmannen orienterte om oppfølging av politiske saker og vedtak, og viste i samband med dette ei oversikt over etterslep på saker. Oversikta følgjer som vedlegg til møteprotokollen.

Orientering ved kommunalsjef helse og omsorg, Edith Oma:

- **Barnevern.** Status for arbeidet med førebyggjande plan.
- **Pleie og omsorg.** Kort orientering om deltaking i læringsnettverk for pårørande og samarbeid.

- **"Menn i helse"**. Kommunen har hatt besøk av representantar for dette prosjektet, som er i regi av fylkeskommunen. Samnanger har ikkje vore med på prosjektet tidlegare, men ønskjer no å vera med.
- **Helse- omsorgsplan**. Status for arbeidet med planen.
- **Utllysing av fastlegeheimel**. Ein fastlegeheimel er utlyst. Det går no ein vikar i denne heimelen.
- **Brev sendt frå innbyggjar til kommunestyret**. Kort orientering. Administrasjonen har svart ut nokre av spørsmåla i brevet.

Orientering ved kommunalsjef oppvekst, Irene Ullensvang:

- **Svar på spørsmål stilt på budsjettseminaret 05.10.2023**. Gjaldt spørsmål om bemanning i ein av barnehagane.
- **Mangel på kvalifiserte søkjarar og vikarar**. Gjeld både barnehagane og skulane.
- **Skule- og barnehagemiljø, uanforskap og mobbing**. Informasjon om kommunen sitt arbeid knytt til dette. Kopi av presentasjonen som vart vist i møtet følgjer som vedlegg til møteprotokollen.
- **Tilsyn ved Samnanger barneskule**. Informasjon om det planlagde tilsynet, som gjeld Samnanger kommune sitt arbeid for å sikra eit godt og trygt skulemiljø.

Orientering ved kommunalsjef samfunnsutvikling, Hilde-Lill Våge:

- **Bossnett**. Svar på spørsmål stilt av Jon Magne Bøgevik (Ap) i formannskapet 05.10.2023 i formannskapssak 062/2023. Kommunane er med å støtta påslaget knytt til bossnett.
- **Planprogram for kommuneplanen sin samfunnsdel**. Status for arbeidet. Saka kjem til kommunestyret 07.12.2023.
- **Områdeplan**. Orientering om status for arbeidet og tentativ framdriftsplan.
- **Søknad om kommunal overtaking av vegen til Totræna vinterpark**. Orientering om møte med Samnanger idrettslag, og om vidare prosess.
- **Montering av innkjøpte leikeapparat ved Samnanger barneskule**. Leikeapparat er no monterte og kan truleg takast i bruk tidleg neste veke.

## Spørsmål:

### Reglement for påkopling til kommunalt VA

Jon Magne Bøgevik (Ap) og Martin Haugen (Bl) spurde om når det vil koma opp sak om reglement for påkopling til kommunalt vatn og avløp (VA). Kommunalsjef Hilde-Lill Våge svara. Dette vil vera ein del av ei større sak som vil koma opp i kommunestyret i den neste ordinære møterunden.

### Vedlikehaldsplan

Odd Arne Haga (Frp) viste til at det er gjort vedtak om det skal lagast ein vedlikehaldsplan for kommunen. Han etterlyste denne planen. Kommunalsjef Hilde-Lill Våge svara. Ho orienterte om at det kanskje har vore ei misforståing når det gjeld kor detaljert vedlikehaldsplan som skal leggjast fram for kommunestyret.

### Optimalisering av bygningsmassen

Odd Arne Haga (Frp) viste til at det for åtte år sidan vart gjort vedtak om å optimalisera bygningsmassen. Han etterlyste ei utgreiing frå administrasjonen om dette. Kommunalsjef Hilde-Lill Våge svara. Ho orienterte om at det blir arbeidd med ein strukturplan i forhold til den kommunale bygningsmassen, og at administrasjonen vil koma tilbake til dette.

### Ny omsorgsbustad i Reistadliane 41

Martin Haugen (Bl) bad om ei orientering om status for den nye omsorgsbustaden i Reistadliane 41. Møtet vart lukka medan kommunestyret vurderte om orienteringa skulle haldast for lukka dører. Møtet vart opna igjen før kommunestyret røysta over spørsmålet om lukking. Det vart samrøystes vedteke at orienteringa skulle haldast for lukka dører, med heimel i kommunelova § 11-5 andre ledd jf. fjerde ledd bokstav a. Møtet vart etter dette lukka igjen, før kommunalsjef Edith Oma orienterte

om status for den nye omsorgsbustaden. Etter orienteringa vart møtet opna igjen.

#### Oppstartdato for ny privatpraktiserande fysioterapeut

Håvard Tvedterås (Frp) spurde om oppstartdato for ny privatpraktiserande fysioterapeut. Kommunalsjef Edith Oma orienterte status i saka, og om at oppstartdatoen enno ikkje er avklart.

#### Fastlegesituasjonen i Samnanger

Håvard Tvedterås (Frp) viste til at det er lang ventetid på time hos fastlege i Samnanger, og spurde om dette er noko administrasjonen ser på. Kommunalsjef Edith Oma orienterte om at det er legar i alle fire fastlegeheimlane i Samnanger, men at kommunen jobbar med å eventuelt få oppretta ein fastlegeheim til.

#### Ivaretaking og oppfølging av aldersgruppa 16–18 år

Øyvind Steinsland (Bl) viste til utfordringar med mobbing og utanforskap m.m.. Han spurde om korleis kommunen arbeider med ivaretaking og oppfølging av aldersgruppa mellom avslutta ungdomsskule og 18 år. Rådmann Ove Sæbø og kommunalsjef Irene Ullensvang svara. Rådmannen orienterte òg om at han vil koma tilbake til kommunestyret om dette temaet i eit seinare møte.

#### Uteområdet ved ungdomsskulen

Anja Elisabeth Gjerde Markhus (Bl) viste til kommunestyret sitt vedtak 14.09.2023 i sak 081/2023, og etterlyste sak om uteområdet ved ungdomsskulen. Kommunalsjef Hilde-Lill Våge orienterte om arbeidet som er gjort etter kommunestyret sitt vedtak 14.09.2023.

#### **Interpellasjonar:**

Følgjande interpellasjonar vart handsama i møtet:

- RS 1: Interpellasjon frå MDG om fartsdempande tiltak i Steinslandsbakken
- RS 2: Interpellasjon frå Arild Røen (H) om utbetring av Fv 579 – oppstart av arbeid med reguleringsplan
- RS 3: Interpellasjon frå Solveig Vassenden (Bl) om forsterka omsorgsplassar på 95-bygget
- RS 4: Interpellasjonar frå Frp om vask av fasaden på kommunehuset og kantslått langsmed kommunale vegar

Informasjon om handsaminga av interpellasjonane går fram av sakspapira for dei ulike interpellasjonane (RS 1, RS 2, RS 3 og RS 4).

Samrøystes vedtak.

#### **KS- 083/2023 Vedtak:**

Orienterings-/referatsaker vert tekne til orientering. Sak om ettergodtgjersle for ordførar blir teken inn på saklista for møtet.

#### **Rådmannen sitt framlegg til vedtak:**

- Orienterings-/referatsaker vert tekne til orientering.

#### **Oversikt over faste saker:**

Eventuelle merknader til protokoll frå førre møte.

Orienterings-/referatsaker.

Spørsmål og interpellasjonar.